



徐氏筆精
七之八
畢

15
1215
4



門 45
號 1215
卷 4

徐氏筆精卷之七

晉安徐 焞與公謨輯

同里邵捷春肇復訂定

溫陵黃居中明立編次

文事

載籍
碑版

書學
六十一則
畫

孟子

孟子門人見於書者十七人皆配享他無考

帝王好書

歷代帝王皆好典籍秦火為萬古罪人無論已

漢興除挾書律廣開獻書之路景帝募求天下遺書藏之秘府武帝建藏書之策置寫書之官成帝使謁者陳農求天下遺書詔劉向等校定光武入洛書二千餘輛後于東觀廣集新書命班固等讐校明帝大會諸儒于白虎觀攷訂群籍靈帝詔諸儒正定五經刊石魏道武命郡縣大收書籍悉送平城隋文帝遣使四方搜討異本每書一卷賞絹一疋煬帝觀文殿搆甲乙丙丁書屋唐貞觀中魏徵虞世南顏師古請購天

下書選五品以上子孫繕寫藏內庫玄宗幸東都議借民間異本傳錄以千錢購書一卷後唐莊宗募民獻書及三百卷者授以官銜明宗令國子監校定九經雕印賣之周世宗銳意求訪凡獻書者悉加優賜宋太宗下詔購募亡書分置書府涉弼等並賜科名太宗構崇文院以藏書籍分經史子集四庫仁宗詔中外士庶上館閣闕書每一卷支絹一疋五百卷與文資官徽宗詔郡縣訪求秘書助教張頤進二百二十餘

卷賜進士出身李東一百六十卷補迪功郎高
宗南渡獻書有賞元世祖遣使取在官書籍版
刻至京師我太祖定鼎之後極重儒臣詔纂
國家切要之書成祖詔脩永樂大典一時
儒臣畢集天下賢才聘辟無筭凡南京文淵閣
所貯古今一切書各取一部送京以後則杳無
求書之令矣國家事事可作前代獨好文之主
稍遜

藏書

海鹽姚叔祥有言今藏書家知秘惜為藏不知
傳布為藏何者秘惜則緗索中自有不可知之
禁劫傳布則毫楮間自有遞相傳之神理然所
謂不知傳布之說有四大抵先正立言有一時
怒而百世與者則子孫為門戶計而不敢傳闔
竒炫博樂于我知人不知則實秘自好而不肯
傳卷軸相假無復補壞刊謬而獸踵還癡一嘖
則慮借抄而不樂傳舊刻精整或手書妍妙則
懼翻摹致損而不忍傳凡此四不傳者彼繇不

知世變靡常聚必有散一旦三災橫起流爛滅
沒無論藏者且累著作姓名一併抹煞是藏有
加于亡何必後來信信譽祖龍為也

又

吾鄉前輩藏書富者馬恭敏公森陳方伯公暹
馬公李子能讀能守陳公後昆寢微則散如雲
烟矣又林方伯公懋和王太史公應鍾亦喜聚
書捐館未幾書盡亾失然四公之書咸有朱黃
批點句讀余間得之不啻拱璧也予友鄧參知

原岳謝方伯肇淵曹觀察學佺皆有書嗜鄧則
裝潢齊整觸手如新謝則銳意蒐羅不施批點
曹則丹鉛滿卷枕藉沈酣三君各自有癖然多
得秘本則三君又不能窺予藩籬也

楊文貞積書

楊文貞公士奇文籍志序云吾先世藏書數萬
卷元季悉燬于兵吾早有于學而孤貧不能志
得書稍長事鈔錄無以為楮筆之費則往往從
人借讀不能數得年十四五出教童蒙頗有所

入以供養不暇市書也。弱冠稍遠出授徒所入頗厚始蓄書不能多也。及仕于朝有常祿又時有賜賚節縮百費日月積之一為收書之資歷十餘年經史子集雖不能備頗有所蓄視吾先世所藏千百之什一視吾少時可謂富矣。夫人於其所好勞心苦力求得之必將謹護珍襲不至于廢壞逮傳其後之人未嘗知得之之難蓋有視之漠然不以留意棄之如棄瓦礫者矣。吾懼後之人不知守也。凡書其志吾之所以得

而勉其所以守蓋昔人愛一草一木猶戒子以勿壞矧書籍聖賢至訓之所寓乎敬之哉。文貞公勲業名位冠于國初賜賚祿入積為收書之費足見先輩雅尚。

楊文貞母

楊文貞公士奇少孤貧十六歲出為村落童子師欲買史畧二冊百錢不能得其母夫人畜一牝雞數歲命以易之世有此母安得不生此子

書城

宋李德茂環積籍墳名曰書城予友邵武謝兆申
好書盡罄家貲而買墳籍兀坐一室四面皆
書僅容一身宋世版本未盛恐李公未必如此
之富予與謝君極稱臭味文謝君藏蓄幾盈五
六萬卷又多秘冊合八郡一州未有能勝之者
不歎古人書城書窟書倉書岩為奇耳

保守書籍

世之蓄田產屋宇多者子孫稍賢必保守不失
何也可以資衣食不匱也蓄尊壘彝鼎多者子

孫稍賢亦保守不失何也可以資耳目遊玩也
惟蓄書籍圖畫多者子孫雖賢未必保守不失
何也非深知篤好者鮮不屑越也余見保產業
之家多至六七代而保書籍者不過一二代耳
然保之之法當較之田產屋宇尤加嚴密庶幾
歷四五代也唐末吳人徐偃龍世守書籍萬卷
後日休帝就借讀日休詩云保茲萬卷書守慎
如羈紲陸龜蒙詩云吾聞徐氏子奕世皆才賢
因之遺孫謀不在黃金錢若才賢不至奕世守

慎不如羈紲非所以論保身也

聚書十難

陳貞鉉曰聚書有十難。學每淵源一難也。家少
^承承書二難也。不生通都大邑三難也。乏慧鑒四
難也。隨唐以上書不多見五難也。携乃帶跋涉希
致觸損六難也。檢曝之帶病于夏畦七難也。近
無善本校讎斯者八難也。家貧購書九難也。片
時不閱便供蛀蟲十難也。夫聚必有散物理之
常念此十難嗜好彌篤余嘗言曰田宅易購美

書難逢緣不相值奇秘終繆昔杜進藏書每題
跋尾曰請條買來予自校讎及借人為不孝言
雖未大亦自痛切矣

觀書三益

陳貞鉉曰客來觀書病懶時頗厭其煩然有三
益不可厭煩而廢賤性善忘經目輒忽獨對
客搜尋之事雖閱年能記一益也。晚所不及度
床便處因若披搜二益也。習懶成病偶因客至
整書忘疲亦古人運甕之意三益也。夫學求益

也一益尚可況三益乎

讀書樂

余嘗謂人生之樂莫過於讀書得一僻書識一奇字過一異事先一佳句不覺踴躍雖絲竹滿前綺羅盈目不足踰其快也市一公有云至哉天下樂終日在几案奈友陳復吉云居常無事飽後讀古人書即人間三島皆皆哉言也

四觀

友人陳復鉉曰室廬雖陋取足庇身况有架書

之所作廣廈觀薄田自供取足糊口况粟淡薄之訓作京坻觀擁書為卷取足娛志况嗜藝斯之玩作極樂觀城石習懶取足鎮喧况耽禪室之趣作清淨觀

借書

陳復鉉曰古人衣裘與敬書不借人則疑于不廣非不廣也置書之勞不畢世不已借書之敬多致遺亡點汙則其掛懷不至於再置不已使書可再置抑又何嫌間或重帙善本抄篇集函

方
非通都大邑不購非良緣奇遇不值非閱年積
時不成偶欲披閱或良借而未還或已借而既
失至于撫卷痛恨不如不借之為愈也若曰如
是書終不借人乎居士曰書亦何可不借人也
賢哲者述以俟知者其人以借書者是與書相
知也與書相知者則亦與吾相知也何可不借
車借者或蓄疑難或摺異同或補遺簡或搜奇
秘至則少坐借在畢然設兒持快恣所觀見
隨其抄謄請主客無相妨尋者借具不為添設

絕不置酒恐緣酒而狼戾書帙夫如是或竟日
或數日或十數日子俱不厭客亦無猜若欲以
半部一函持借出門僕已具觴酌誓于大聖大
賢之前斷不爾人各有願幸毋相強

贈遺得人

宋虞世和甫最愛黃庭堅每得佳墨精紙奇玩
必歸魯直國初王羽儀之最善楊士奇楊喜收
書或數月不相見相見輒贈一書皆贈遺得人
者也

秘書

蔡邕秘論衡于帳中或搜得之輒抱以去又家
有書万卷末年載數車与王粲何私一論衡而
万卷不之惜耶蓋搜得論衡者未必為邕意中
人固宜珍秘而仲宣素有異才即捐數車之与
不為傷惠要在得其當耳今世以書為羔雁連
篇累牘贈送貴人貴人全不知惜膏蠹飼鼠子
者非邕受者非粲徒為典籍一厄与其為貴人
屑越寧秘帳中

異書

余嘗語曹能始云有異人其家必有異書常人
之家必有常書俗人之家無書矣欲求異書先
求異人不過異人勿問異書

書不雙校

北齊書邢子才有書甚多而不甚雙校見人校
書常笑曰何愚之甚天下書至死讀不可遍要
能始復校此且誤書余嘗披覽抄本之書十訛
二三難以句讀令人燥熱又無處借書校對偶

及邪事心神頓涼

兩脚書厨

永樂中毘陵陳濟善記書文廟謂為兩脚書厨
古人魏書厨者有矣此云兩脚文皇亦善諧謔
也

博物

史稱張華博物識劍識狸及著博物志信矣然
左傳引叔向之言曰子產博物君子也又曰延
陵季子閱覽博物君子也然子產季子不以博

物名惟張華為著

讀書飲酒

謝少連云讀書須少年僻地靜夜早晨既擊之
云飲酒須淡酒小杯細談久坐二君得讀書飲
酒之趣可謂名言

痛飲讀離騷

離騷悲憤令人讀之不歡故昔人有云痛飲讀
離騷蓋醉而後讀始不為鬱悒幽憂之氣所擾
耳曹孟德云惟有杜康可以解憂正此意也

臺瑩

隋楊帝宮中臺瑩為戲車胤無油臺瑩讀書于
朱崖臺瑩當火恐熱氣蒸人同一螢火而所用
苦樂迥別

書畫碑版

陳眉公云見古人書畫如見家譜豈容更居他
人乎見古人壙墓碑版如見先壟間物豈容更
居樵采不可護名言也

趙家書畫

趙文敏善書畫而妻管夫人子雍樂弟並顯孫
鳳麟甥王蒙皆以畫名于時惟樂以書名不聞
能畫

吳興三絕

元季吳興馮應科筆與趙子昂字錢舜舉畫稱
三絕

瓦官秘藏

南部烟花錄得之瓦官寺廢閣王右軍告誓文
真蹟亦得之瓦官寺鳩叻內竹筒中何此寺之

之秘藏也。豈足許輩所留耶。

書法以下書學

亦一居士筆說云：古人皆能書，獨其人之賢者，遂傳遠。後世不推此，但務於書，不知工於書，隨與紙墨泯棄者，不可勝數也。便類曹公書，雖不佳，後世先之必寶也。又云：學書當自成一派之體，其摹倣他人，謂之奴書。今人肉眼妄評某人書，酷肖某帖，不論其人之賢，不足蹈亦一居士之指耳。嗚呼！此但可與知者道也。

古書古帖

張生家云：目不醫，不瞻耳不控，不觀。予喜蓄古書古帖，嘗語人云：書不裝，不蛀，帖不裱，不蟲。通車書板極善，但一加外函，不久生蟻。藏書家須急去之，勿惜也。

八分書

子長書潮八分，少象歌云：尚書籍，擇木騎曹。秦有鄴，開元以來，數八分，潮也。奄有二子，成三人。然此三人書皆不傳。

扇書杜符

宋高宗紹興元年賜經筵官扇皆取杜甫詩句
親書與之賜學士王綰曰霖雨思賢佐丹青憶
老臣賜尚書胡直孺曰文物多師古朝廷半老
儒賜舍人胡文曰相門韋氏在經術備臣須高
宗之光寵儒臣如此

四十二章經

錢塘六和塔上刻四十二章經乃紹興中諸名
臣分寫者沈該湯思退陳誠之陳康伯王綸贊

允中葉義問楊椿周麟之洪遵楊俱沈介趙令
諤孫道夫王希亮黃祖舜張孝祥宋棐金安節
董革李洪錢端禮張宗元張運楊朴莫濛路彬楊
張庭實周操葉謙亨胡沂陳俊卿鮑彪陳棠楊
邦弼張洙黃子淳楊俊沈樞韓彥直虞允文洪
邁共四十二人皆以官爵序次字俱生硬無晉
人筆法蓋此四十二人無一人以書名者也惟
錢端禮虞允文差勝耳

僧善書

隋唐善書僧三人智永懷素高閑也智永懷素
今墨本紛紛摹刻惟高閑刻傳

戲魚堂帖

宋劉次莊謫居臨江卜築鑿池東山自摹淳化
帖十卷刻石置堂中時稱戲魚堂帖今在新淦
縣東山寺前

寶晉齋

朱元章守魚為外別治東北建寶晉齋有法書
碑刻立壁間因名

鄭回溪父子書學

宋乾道五年狀元鄭僑本永福人家與興化隣
後寓莆中淳熙間使金不屈官至參知政事著
書衡三篇號回溪善行草書其子寅官至樞密
承旨著包蒙七卷號肯亭亦善書二公書名不
顯著作無傳近見元人鄭灼所傳衍極專論字
學多引述之而其論書亦博綜今古惜無全文
耳

董山書史

宋鄭昂字尚明號董山祭酒鄭穆之孫也作書史起伏義終五代凡二十五卷今軼弗傳昂善書九仙山蓬萊峰盤石上有題名徑尺許古勁絕倫昂所書也

陳述古書

吾閩古靈先生陳述古書法在蔡君謨之右學柳誠懸酷肖也烏石山平遠臺鼓山卧龍山俱有題名鑿之石壁皆徑五寸鮮有知其妙者

寺額名書

衍極載元人陳旅題署書記畧中一收云閩中風俗以正月六日游烏石山寺其外大父趙大蓬指寺額曰是古題署法書也古時人人知有是法王公貴人有所建立不能書不書必求能書者雖微賤必書也紹興後無論能否官大郎書一時迎合爭乞新題易舊榜于今存者什之一耳米南宮董太史非不爽峭可喜直可施之亭榭宴遊處唐以來惟顏太師雄秀而題置李北海為最云

古磚

杭吳山萬曆乙巳年里人建水神廟于上奠礎
日豐草中的皦有光視之則古廢磚方二寸許
上有安寧萬姓四字類蘇長公筆法今在廟中

中元大鵬年號

莽

先輩陳中承達嘗于荒蕪得石盆甚巨背刻中
元庚申僧本茲造八字按中元乃光武年号光
武無庚申庚申乃明帝之承平三年也今石盆
尚存迺余友林熙工掘地得古磚刻大鵬二年

大鵬年号無攷書之以質博雅者

古鏡

餘姚孫忠烈公初巡撫至江西治廨舍得古鏡
于深溝中背刻其文曰光運忠扶日月心感天
揚與忠獨難塞天不世內靖斯以昭明字畫奇
恠觀者多不識後孫公死好古者以意辨之其
文乃著

銅鼎

嘉靖初海虞王澄嘗獲一鼎其識曰維紹興丙

寅三月己丑太師蔡公檜一德協濟配茲乾坤
乃作銅鼎賜家廟以奉時祀子孫其永保是高
宗所賜檜之所受者澄鄙其事乃即家山作萬
松樓祀岳武穆而以鼎奉焉黃云以蔡鼎祀岳
恐岳未必饗也

西園雅集 以下畫

宋駙馬王詵晉卿延東坡諸名流當時李伯時
寫為圖今世通相傳摹歲月既無所攷西園亦
莫究何在然其人朱元章有圖序甚詳國初黃
文獻揚文敏林尚默各有攷據儒衣冠十四人

蘇東坡王晉卿張文潛蔡天啓李伯時蘓子由
黃魯直陳無己李端叔晁無咎朱元章王仲至
劉巨濟秦少游也釋道各一人僧圓通道士陳
碧虛也侍女二人晉卿家奴雲英春鶯也

唐文皇像

余嘗見閣立本寫文皇御容絹素僅尺許虬髯
鳳目神彩煥發傍署云臣閣立本寫今藏薛中
丞家

宋太祖像

先伯兄舊有趙文敏寫太祖真像擊球圖桑皮
紙游絲金筆濶僅尺餘今在泉南丁司寇家

膠山絹海

古畫多用膠礬着絹唐宋名家皆然惟元倪瓚
輩始喜寫生脫畫家蹊徑唐章孝標咏畫屏風
云雨滴膠山斷風吹絹海秋唐宋畫全用膠礬
此是一證

古碑 以下碑版

三代碑刻至今存于世者唯响淩禹碑與周石

鼓文耳秦則李斯斷碑僅二十九字漢蔡邕石
經與孔廟中郎碑陳思王碑蜀有樊侯碑餘俱
不可覓

曹娥碑

曹娥江在浙之上虞當時孫權據越不知孟德
何因與楊至江滌讀其碑也般芸小說云蔡
邕刻曹娥碑傍曰黃絹幼婦外孫壘曰翹此見
不能曉以問群僚莫有知者有婦人浣于江渚
曰第四車中人解之乃稱正平便以離合解為

絕妙好辭。此說與諸書所載大異。余謂孟德決
無列曹江之理。或是當時傳印。邯鄲淳曹娥碑
文。而孟德與楊脩猜度之。只見墨本。非親摩碑
石也。禰衡之解。又不知何據。語林云。操讀碑於
汝南。其為摹本無疑。

秦

泰山碑刻

泰山秦碑。李斯篆在秦觀東廳壁。僅存數字。唐
摩崖碑。隸字在岳神祠後。為苔蝕其半。李白遊
泰山詩。六章篆刻方石。豎會真宮東廡。

無字碑

泰山頂有秦無字碑。唐武后乾陵亦有無字碑。
蓋碑緣文而立。立而無字。誠不可曉。

嵩君碑

饒列番君廟碑。趙文敏書。厚七八寸。文敏在京
郡人款乞其書。碑重不可載。乃鋸其碑而寸許。
載至京。文敏書畢。仍合鑿之。予至饒。見其合縫
宛然。昔人之好事如此。書法道勁。因搨數紙以
歸。

書錦堂碑

始蘇志云國初陳僖敏公治宅是城關地得蔡君謨所書書錦堂石碑按書錦堂在相外君謨所書碑字甚鉅何因得至潯州歐陽文集中言書碑事甚詳未聞有兩書者豈後人重君謨筆法重摹刻之如今之閭門翻刻法帖碑本之例次非宋碑也

武夷唐刻

武夷三十六峰題刻甚多而唐刻絕少舊傳幔

亭峰下唐明皇遣使祀仙刻大唐天寶七年歲在戊子七月封名山大川登仕郎顏行之記共二十四字今不可覓或云石墜水中安也

虎渡橋碑

漳列江東驛虎渡橋左有碑巍然建寧淳祐中狀元黃朴撰文併書字法全類柳誠懸石材完好惟篆首缺墜耳余以癸卯冬與曹能始觀賞谷榻一通第鄉人不知重無有覆瓦為亭者惜哉

碑九

水經注洛陽天淵池中有魏文帝九花樓殿基
是洛中故碑累之池水間諺云景祐初姜遵
奉太后意意取長安碑石為塔材道山清詒云
天聖中詔營浮圖姜遵在永興毀漢唐碑之堅
好者以代碑礎 國朝太祖登其金陵意取六
朝舊碑砌作御道唐歐陽詹墓云九江有祖將
軍廟碑顏真卿撰文并書後列吏有僧坏之勞
狀其未蹟刻磨舊文詹作文以弔之平雅西碑

先琢韓迅之而刻跋文昌宋郡守陳某又琢跋
文更刻韓文一石遂遭兩厄湖列天聖有趙孟
頰撰書錯盤龍碑記國初卑入郡治作太守去
思碑歐陽公金石錄所收古刻十卷今什不得
一二皆遭此數厄耳

黨籍碑重刻

元祐黨籍碑葦某欲傳示後世使其子孫有餘
辱也弘治中吳興沈特以其祖沈子石與涑水
伊川聯名懼其久而磨滅取榻本重刻于石今

世所傳碑皆沈氏刻子孫有餘榮矣

元程二守

元絳程師孟字熙寧先後守福列山刻石刻
多二公筆至今傳為佳事佳話興隆慶皆稱
二公二公俱吳郡人出平福臭味交故出守行
事亦大相類

丁刻字

趙承旨時鄱陽丁信可者善刻字凡承旨書極
善信可鐫刻打搨他手不如也當君廟乾元守

二碑承旨所書皆信可刻今信可子孫猶日
賣丁氏食此碑已十餘世矣他人不得搨也余
至鄱陽目擊之

柚皮打碑

桂海虞衡志云打碑用柚子皮蘸墨以代檀宜
墨而不損紙試之良然

長慶石

萬曆甲申吳興張穉通卜築於隴山得一石乃
唐長慶間陸羽故物高可尺許有孟郊題曰長

度甲辰餘英孟郊來訪竟陵陸官翁字法通古
尚未剝能稔通造軒野之名友石軒好事者皆
為題詠後贈謝在杭為五百谷索去今為王氏
家物

文人二十四別

游學文學

聖門列四科惟以文學許游夏子夏游易則有
傳於詩則有序於禮則儀於喪服篇於春秋
則授之公羊高穀梁亦於禮則鄭康成以為

子夏與仲弓所撰定者許以文學夫何忝哉不
知子游當時有何文學而無稱稱之也當是世
遠而撰述不傳耳若非魯海并補之後世孰知
子游亦文學也哉

律氏文人

古今文人之盛惟律氏歷代不乏建安七子則
有律幹一代文字則有律後河東三絕則有律
表伯江南文士則有律補律錯詩派法嗣則有
律俯晚宋四靈則有律道暉律致中國初四家

則有律真盛明四家則有律禪那中保七子則
有律中行此皆丁檢盜之時而文士輩出名震
霄壤者至于單詞片語流傳文苑不可勝紀矣

祖孫

王羲之七世孫曰僧智永謝靈運十世孫曰僧
皎然書法詩學皆不愧祖風後世位譚之不因
沙門而薄其祖先也韓偓曾為韓公之衣面時
論為之嘆息豈紫衣宰相反不如緇衣髡徒乎
信所重在彼而不在此也

江淹夢

史補江淹多張景揚寄錦取還文章日蹙又謂
夢郭景純索舊筆還為才畫何二夢相似之
甚然則淹之詩賦皆亦作邪

沈約

獨異志云沈約家藏書十二萬卷然心解惡聞
人一善如篇箭攢心噫此誇語也劉勰著雕龍
既成未為時流所稱取定於沈約投之車中約
取讀大重之嘗陳福儿案倘篇箭攢心定不事

重

嚴武不殺杜甫

新唐書嚴武傳云武最厚杜甫然欲殺甫數矣
甫奉傳云武欲殺甫集吏于門武將出冠鉤于
簾者三左右白其毋奔救得免而舊史甫奉傳
云甫登武床瞪目視曰嚴挺之乃有此兒武雖
急暴不以為忤然則武未嘗欲殺甫也武卒甫
賦八哀詩云空餘老宿客身上愧籍纓巾之感
至矣豈人有欲殺者而友哀之耶必不

三

然矣

李杜子孫

盛唐詩人莫過李杜其子皆早夭子孫曾則泯
然矣晚唐詩人莫過元白又皆無嗣惟韓退之
子杲孫維表保奎進士蟬聯金紫天之報施誠
不可知

李益

柳子厚為其父作神道表碑陰載其先友六十
七人凡天下善士舉集李知名者僅二十人其

中能詩者李益一人而已。唐以詩程士為官者未必人人知詩也。六十七人，苟得一李益，不亦難乎。

賈島馬端臨嚴羽羅願

賈島詩歌清淡奇峭，可與孟郊、張籍比肩。曰史不為立傳，新史附名韓愈之後，數言而已。馬貴與博洽卓絕古今，嚴儀卿論詩理入三昧。羅端良翼雅富如武庫，宋史俱不為立傳，并附名亦無之。史臣之不公如此，蓋冠蓋之華易登史冊。

布衣之傑，難上石渠。賈島官不過主簿，貴與儀卿終身草茅，端良位不甚顯。故史臣特畧之，然數公之名自有不朽，信夫文士不因位顯，亦不藉史傳也。

文士好奇

○唐劉蛻取生平所為文，千一百八十紙，起塚以封之。自作銘曰：文字文字，其鬼神乎？風水惟真，將利其子孫乎？曰：居易寫生平所為詩四部，置諸四大藏經中。與僧約曰：不出院門，不借官。

吳省好事者仕乾觀之唐末詩成置之木瓢任
流江中識者得之曰此唐山人詩瓢也陸龜蒙
以平日詩文稿藏之篋設腹中至宋咸淳中里
人醉卧其篋腹篋始傳南齊褚澄若遺書十卷
刻石納之篋中後群盜發篋得書篋者唐文粹
以傳古人藏文各編獨見不相師襲元魚脩鄒
陽人有待朋十人皆工待賦恐罹兵變失傳挺
堊為甕刻瘞山中名曰待塚宋濂為之銘蓋微
劉琬也劉琬文塚在今蜀梓潼二里堽字序

庭前古栢數百株皆虬枝龍幹至今尚存

香山飲酒

白香山喜飲酒每飲必賦集中飲酒詩九百首
今人無香山之詩沈真麴蘖只可目為酒囊非
真能飲酒者也

樂天詩友

白香山詩與元微之倡和什有六七元白齊名
微之為樂天作詩序手自排纘成五十卷不可
謂不密矣乃樂天作醉吟先生傳云與嵩山僧

如滿為空門友。平泉客韋楚為山水友。彭城劉
夢得為詩友。安定皇甫朗之為酒友。歎不及微
之誠不可解。

元微之

元由雖齊名而微之品格不逮樂天遠甚。微之
少通崔鶯之。作會真記。暴其事。既通籍。又寅緣
宦官。得知制誥。為武儒。衡鄙厭。恬不知恠。文人
無行。殆斯人與。

温李

北夢瑣言云。温廷筠舊名岐。一名廷雲。與李商
隱齊名。時號温李。今皆以李賀為温李。非也。

誌銘兩手

開道間。洛陽張堯夫。卒。尹洙作墓誌。歐陽脩為
之銘。志銘出兩手。亦古今希覯也。

憐才

王荆公見劉季孫杖藜携酒看芝山詩。即判監
酒稅。見盧秉。但得有錢留客醉之句。立薦于朝。
因登卿貳。秦檜聞陸士規黃陵廟一絕。傾倒如

平生若宰執不憐才及荆公秦檜之不若矣

進稽古錄表

司馬溫公撰稽古錄成黃魯直為作進表今黃集刻之司馬集刪之可見古人文字無所假借亦不掩為己有也

祭文黃參

宋張子韶祭洪忠宣曰維某年月日某官謹以清酌之奠致祭于某官之靈嗚呼哀哉尚享其子洪邁深感其情今世祭文濫觴可厭使人

如子韶不知省許多紙筆黃云文以足言々以足志如子韶云々不幾于没字碑乎豈可為訓惟武廟祭斬文禧云朕在東宮先生為傳朕即帝位先生為輔朕今渡江聞先生訃嗚呼哀哉則言簡意盡者也

欽來鄭景望張世南

宋欽來著墨客揮犀鄭景望著蒙齋筆談張世南著游宦紀聞三公言閩事甚詳蓋曾宦于閩者郡志俱逸其名尚俟攷其人而增之

黃華澹游

金王庭筠字子端河東人太定間舉進士官不
達寓軟德黃華山寺自號黃華老人善草書有
文集四十卷子曼慶亦能詩自號澹游善畫竹
仕至行省郎中

句曲外史

元茅山道士張天雨自號句曲外史工書善詩
宋張九成之裔孫也

耽梨生

洪武初長樂鄭琳自號耽梨生讀書播耨不求
聞達同時與鄭定助教友善練子寧有耽梨生
賦張顯宗為之跋又有建安蘇伯厚張智等詩
父子萬奎為廣別教授郡志所不載

文人慳一第

國朝科目限人長才者或慳一第如文徵明王
寵文欽文嘉何良俊田藝蘅歐大任文章俱足
名世獨靳一第竟以歲貢起家豈非命耶

帛田二先生

杭州近代博雅君子仁和郎瑛錢唐田藝蘅瑛
字仁寶號卓橋少孤長為諸生尋謝去家改饒
一以購書所藏載籍古圖畫金石刻甚富而貴
日貧瑛無所顧歎敞大屋樹高度列置數几危
坐諷誦辨異同所著有訂正孝經大學格物通
各一卷萃忠錄一卷青史哀鉞六十卷後昆軒
然俱軼弗傳々者七脩彙稿耳藝蘅字子藝號
香宇性放曠不羈善酒任俠喜著書生平所著
文集前後數十卷老子指玄一卷煮泉小品一

卷梅花新譜一卷詩女史二十卷留青日札四
十卷晚歲以貢為新安博士歸常衣絳衣挾二
小鬟遊湖上或逢友人則令小鬟進酒促坐談
諠時：挾內人遍遊諸山日暮無驢覓得其一
乃與內人共跨一驢入城藝蘅詩文在六朝初
唐間駁：入作者之室瑛辨証攷核不減藝蘅
至于談詩猶說夢也然瑛事母孝兩卦股皆愈
內行尤可述耳

到

人物攷

二十七則
女八則

男十九則

杜宇鼈靈

戰國時杜宇君于蜀，奉荊人鼈靈治水。既平，
禪之位，死皆葬于郫。今郫南一里二塚對峙，鼈
靈一云鼈令。

八公名

蘇皂李尚在吳田申雷被毛被伍被習昌

兩京房

漢有兩京房，一為楊何弟子，官齊郡太守，宣帝
時人，一為焦延壽弟子，東郡頓丘人，其說長于

災變，今漢書京房傳及世所傳京氏易傳皆延
壽弟子也。

林閻

林閻氏楊雄之師也，見路史七卷第十三之記。

註

白帝非叛

王莽篡漢，凡世之豪傑有志天下者皆得起而
誅之，公孫述欲誅莽，非一日也。方豪傑群起之
時，孰不欲入統都為乘，遂不得罪于漢，而盡
有益別之地。子狼一方者，十有三年，大有功德。

于蜀臨陣殞命與國存亡一念不降可謂賢矣
史書述叛豈可與叛漢者同科按更始二年述
自立為蜀王明年夏四月改元龍興是歲漢世
祖以蕭王即位鄯南改元建武是為光武皇帝
當是時雌雄未定成敗未分萬一使述成功則
光武亦為僭亂耳然光武漢裔漢德方興蜀僻
一隅成功匪易述與光武猶項羽之言祖也書
之為叛不亦過乎

寶誌公楊大年

寶誌公宋元嘉中現于東陽郡古木舊巢中手
類鳥爪朱氏婦園巢中兒啼遂收育之因以朱
為姓楊大年始生則一雀雛家人驚疑斯而棄
之江其叔父異之追至江濱開視則雀雛嬰兒
其身體猶有雀毛尺餘既日乃落世間惟事往
往有之不但雀覆之生為異矣

白馬三郎

常山有白馬三郎廟宋李禱旱有應紹興中詔
圖畫於朝曰白馬三郎王富知魏也生前

已享王爵不宜猶用軍中之號改額昭應常山
與閩接壤至今祠祀

陳冕

陳子昂字伯玉見虞藏用敘并唐書獨字虞友
議載陳拾遺名冕字子昂字漢唐范攄也當必
有據

雪峯檀越

雪峯祖師初至福別求一菴基弗得住官人藍
文卿指門首池畔大枯樹下草庵與師居之唐

寺志

咸通十一年見四方雲衲袞袞難安廣源將所
居屋宇三百餘間米倉十二間庄田二十所水
牛三百六十頭指庄田地各立契書分明歲收
米一萬一百石淨盡捨入常住建大梵剎即今
之雪峯寺也乾符二年閩忠懿王具奏僖宗勅
魏禪師真覺大師封檀越藍文卿明護住王男
藍應潮通祐神君今護法伽藍寔文卿父子也
歷數百年香火不絕使當時不發心捨此誰其
通之文卿不能一失不惟獲福田利益而寺存

別香火永以不墜今之擅文郡之富者不之其
家產留以遺所不知何人至於布袍鉛銖慳惜
悲夫悲夫

鐵冠道人

蘇子瞻在海外自號鐵冠道人善作和亦號
冠道人楊廉夫亦號鐵冠道人洪武初有鐵冠
道人張景奉常與

太祖言休咎未遂事

龜字譜

唐宋人不甚諱龜字張志和始名龜齡謝元歌

者名李龜年陸魯望名龜蒙白樂天幼子名龜
昂咸通中會稽太守王龜殿踐猷號五總龜皇
祐殿中丞李龜齡宣和進士載龜朋欵千壽名
龜年善畫者劉崇龜陳朝瑞名總龜王十朋字
龜齡楊時號龜山崇寧中黃德邵名龜年淳佑
中枯蒼教授潘元龜洪駒父兄字龜父咸以龜
為美稱也然蘇子瞻嘲呂微仲晝睡有六眼龜
口魏則宋時亦以龜為戲詭耳子謂十朋千壽予
中立德邵皆在子瞻後豈子瞻時有此詭而後

人徑取以為號耶。大抵子瞻謔事多出宋元小說。假托為多。未必有是事耳。但不知龜字諱于何代。近世以龜命者絕少。獨鉛山費固卿弟名龜年。官廣西灌陽知縣。惠安亦有楊龜年。官教諭。

潘陳同母辯

齊東野語云。陳了翁之父尚書。與潘良貴之父義榮。情好甚密。潘一日謂陳曰。吾二人官職年齒種。相似。獸有一事。不如公甚。以為恨。陳問

之。潘曰。公有三子。我乃無之。陳曰。我有一婢。已生子矣。當以奉借。他日生子。即見還。既而遣至。即了翁之母也。未幾生良貴。後其母遂來往兩家。要一母生二名儒。亦前所未有事。噫。此說荒謬。不根之甚也。燭了翁年譜。父陳偁。仁宗朝。按為吏部尚書。以嘉祐二年生。了翁年二十三登進士。至宣和六年卒。享年六十八。又按朱子文集。良貴父名昶。仁贈中奉大夫。未受宋官。所云官職相似。一謬也。了翁宣和六年卒。良貴宣和

初始為博士。歲月相遠。二謬也。朱子為潘時作墓志銘云。良貴有兄良佐。以儒學教授諸弟。良貴從授學。是相仁。已有長子。安得言無子。三謬也。子翁閩沙縣人。良貴。浙金華人。其母安能來往兩家。四謬也。欲誣名賢。初為不根之說。名曰齊東野語。豈虛也哉。

菊坡

宋李崔丞相與之號菊坡。至八世。其家有菊數本。皆一蒂兩莖。人咸異之。

以字行

國初名臣多以字行。楊士奇名遇。練子寧名安。黃子澄名湜。李時勉名懋。李至剛名銅。唐之淳名愚。士吳伯宗名祐。張孟兼名丁。劉伯序名秩。董良史名紀。鄭居貞名恒。許廷慎名伯旅。胡虛白名奎。李昌祺。王汝玉名璣。劉三吾名昆。祺名孫。桂彥良名德。稱金幼孜名善。劉子欽名敬。錢習禮名幹。周是脩名德。劉季篋名詔。至于蹇義。舊名瑤。楊榮舊名子榮。胡靖舊名廣。李騏舊名

馬皆出 上賜也

葉給事

秀水屠侍御撰建文朝野類編會輯諸書詳備
周悉有葉福字叔疇閩縣人建文庚辰進士授
給事中極言宗室之非宜建文君怒杖後死亟
遣人歸養其母靖難兵攻金川門首犯其鋒死
衣冠歸葬久諱其事楊文敏公入省求其從孫
為文碣其墓萬曆初奉恩詔祀于鄉賢祠林文
恪公脩郡志始為立傳人鮮知之故屠侍御未

之列也當時吾郡死建文之難者止福一人而
古田林英字章叔為御史自經死妻宋氏亦自
經皆彙編所不載按朝野彙編乃陳眉公所纂
名史待屠侍御借為己書更名彙編志吾閩死
事者止陳彥回陳繼之而不及福與英今史相
國世程官南少宰日率同鄉建三忠祠清涼山
祀二陳與福英猶缺焉蓋當時無有知其事者
志之以俟後人補此佚典也

孫太初攷

太白山人孫一元同時諸公與之倡和寔不知
其何許人鄭善夫序其詩云閩西豪傑也李夢
陽殷雲霄劉麟皆云閩中人惟王世貞云太初
裔本王家託跡方外馮夢禎云閩西王孫易名
為孫一元燭近閱徐渭逸稿孫山人考云孫一
元父早亡而貧以抄書役某府中府公嘉之為
出貲特補吏密事多任之會覲橐白金四百兩
使山人致布政使途被盜無以報命遂已抵浙
寓西湖休寧有范燦者其祖與山人交厚燦告

渭曰嘉靖某年諸暨縣丞孫鏞罷官歸寓江都
燦大父世裔於鹽遇鏞頗頌蓋一日偶及山人
事鏞大駭一一道山人出亡事便取所隨譜合
之鏞即携其子來子貌亦似山人鏞遂問吾叔
今何在燦大父云云鏞強大父偕至湖外拜其
世母施氏并其已嫁妹三人相對而哭渭攷諸
暨官師表嘉靖十二年縣丞果孫鏞也乃曰蜀
人山人舊自稱秦人非志者悞乃山人謬託為
秦人也觀渭斯攷則太初非宗室亦非閩中人
也明矣

嶽禱

太宰倪公岳父尚書文僖公嘗代祀北嶽以禱
祀而生公故名豈維嶽降神耶

滇二孝子

滇南范寅爲諸生屢試不第遂成心疾出游不
知所之嘗語其子師顏云吾葫蘆山人也爾他
日於此訪我師顏尚幼旣長補諸生以嘉靖壬
子舉於鄉鹿鳴次日卽裹糧之四方尋父凡山
岩市鎮僻壤邀俶無弗列行三年至蜀有葫蘆

寺扣主僧謂三年前有稱葫蘆山人者寓此今
化而瘞之近岡且出其手札真寅筆也師顏慟
絕芟莽得穴刺血入骸斂而返葬焉御史黃中
疏而旌之又有趙重華大理太和縣人父廷瑞
亦諸生亦以不第遠遊莫知所往華甫七歲至
年二十一母沒乃出尋父榜其背曰萬里尋親
至武當山有字云嘉靖四十四年十二月二十
二日大理趙廷瑞至此華至日乃萬曆六年十
二月二十二日也又聞閔至建康祈于三茅君

夢玄帝謂之曰爾父故在如是者三覺而由丹陽至毘陵遇老僧示往無錫南禪寺語訖不見明日至南禪見皤髮老叟曝背廊下華心疑之伏地曰我雲南人叟曰我亦滇人出遊時一子七歲亦潛然淚下各道姓名相持而哭迎歸故鄉茅坤為文以紀之

長人

苻堅時有夏默獲磨邨申香三人身長一丈八尺並多力善射三人每食飯一石肉三十斤

翟母漂母 以下女人

漢高帝厄於楚餓甚翟母常饋食及帝業成母已死矣高帝封其墓至今名封丘縣漂母哀韓信而進食後報以千金至今廟祀所謂一飯之德不忘也今人報德如漢君臣者鮮矣

美人名風

晉世美人以風名者惠帝皇后諱南風洛中謠曰南風烈烈吹黃沙石崇婢名翔風

翔風

石崇妾名翔風諸書互見不同有曰朔風有曰
翹風翔翔翹三字相類必有一定者

衛夫人

衛夫人名鑠字茂漪晉汝陰太守李鉅妻王逸
少之師也

崔鶯墓志

志稱崔鶯鶯嫁太常寺協律郎鄭恒恒字行甫
文業著于當時享年六十夫人崔氏享年七十
有六子六人秦貫墓為銘其墓誌銘久瘞土中

明成化間黎人得諸廢塚塚居邑之西北五十
里曰舊魏縣蓋古之淇澳也乃鬻之崔氏為中
亭香案石又若干年而莫之知尋得其家有晉
吏名吉者識之遂白于邑長吏邢公邢置之邑
治而其迹始著陳眉公收其文于古文品外錄
欲一洗崔氏水玉之耻予謂會真之記出諸微
之鶯鶯之名因以大著若讀秦之墓誌不過尋
常一貴人妻耳何足奇

李易安

李易安格非之女也。格非字文叔，濟南人。見張文潛集。

易安更嫁

李易安趙明誠之妻也。漢隱叢話云：趙無嗣，李又更嫁非類。且云：其啓曰：猥以桑榆之晚景，配茲駟駿之下才，殊謬妄不足信。蓋易安自撰金石錄後序言明誠兩為郡守，建炎己酉八月十八日疾卒，且云：余自少陸機作賦之二年至，過遠瑗和，非之兩歲三十四年之間，憂患得失何

其多也。作序在紹興二年，李五十有二矣。清獻公之婦郡守之妻，必無更嫁之理。今各書所載金石錄序皆非全文，惟余家所藏舊本序語全載更嫁之說，不知起于何人。太誣賢媛也。容齋隨筆及筆叢古文品外錄俱非全文。

眇倡啞倡

秦少游傳眇倡，負不能自贍，與母西遊京云。倡師京師，色府也。眇巧笑以千萬計，若具兩目，猶恐不售。况眇一焉，其瘠于溝中必矣。行抵梁

旅 執

舍於濱河逆旅有少年見而悅之為田飲終日
因大嬖娶置別第謝絕姻黨身報費以奉之倡
飯少年亦飯倡疾少年不食或有嘲之少年怒
曰自予得若人視世之女子無不餘一目者夫
佳日得一足矣奚以多為楊廉夫傳啞娼云倡
錢唐人也生無啼聲父母欲棄之年及笄天質
秀利中益警穎京師有大木賈過錢唐聞啞娼
名求見大喜倍價聘之左右曰娼以聲取悅啞
而倍價以聘何愚也賈曰婦以長舌敗人之家

予聘魚長舌不聘工歌且笑遂扶之歸賈侍

姪

百十人啞娼寵專房一飲食非啞娼不甘賈婦
死推啞娼為繼生三子娶夫倡至于眇啞宜乎
無顧盼者乃少年大賈娶之少游廉夫傳之信
手物無定價隨所遇也

名人生卒墓地

十四則

名姬附

許由塚

箕山有許由塚乃石擲歲飢有惡少發之輒合
至今猶存

扁鵲墓

○湯陰有扁鵲墓墓前有土可以療飢鄉人試之輒驗亦理之渺茫者

徐君墓

黃泰

一統志河南襄城縣城北二十里有徐君墓墓前有樹相傳為李札掛劍處名曰靈樹按史李札使魯過徐其地今在泗列襄城非徐地安得有墓矣從而掛劍哉史稱札還至徐徐君已死則其死在徐明矣其曰解劍繫其塚樹則其塚

在徐亦明矣襄城靈樹之說何據

徐君墓在張秋安平鎮余

舟過其地展墓而酌以詩墓上草名劍草可除眼疾

郭璞墓

揚子江金山雲根島在水中特起志以為郭璞墓在焉六朝事迹謂璞墓在真武湖中大墩上璞為王敦所害當時必有收其骨者後世皆指水中之山為璞墓者以璞精地理必擇其奇處而名之金山真武湖之說謬也

李白生卒墓

李白舊史稱山東人父為任城尉因家焉流夜
郎赦還醉死于宣城新史稱白生于巴西卒葬
姑孰東麓元和末觀察范傳正祭其塚訪後裔
惟二孫女嫁為民妻後改葬青山立二碑爰
按全蜀文志載劉全白作白墓碣記云白唐
廣漢人玄宗辟翰林待詔因和番書并上宣唐
鴻猷一篇上重之欲以編語之任委之為同列
所誦詔命歸山遂放浪天下以詩酒自適代宗
登極拜拾遺聞命之後逝矣有子名伯禽全白

幼以詩為君所知邑有賢宰顧公遊秦遂表白
墳而題其石冀傳于將來也貞元六年四月七
日記以此攷之白非生于山東巴西非死于姑
孰宣城非葬于東麓青山而生當在廣漢墓當
在秦地有子伯禽非斬然後昆也全白與青蓮
同時墓碣當為實錄二史恐非傳信耳項斯經
李白墓云夜郎歸未老醉死此江邊墓缺官家
禮詩殘樂府篇歸魂應到蜀小碣豈旌賢身沒
猶何罪遺墳野火然

又

李白生卒二史既自矛盾後人又有米石捉月之說愈不足信按李陽水序謂白疾亟枕上投水俾為集序是白死于牖下非江中明矣梅聖俞詩有云便當騎鯨上青天青山有冢人漫傳又信捉月之事矣陳眉公謂李白生于彰明縣青蓮鄉故號青蓮想別有據

杜甫卒年

杜甫生于先天元年壬子卒于大曆五年庚戌

享年五十有九舊唐書云甫以永泰二年啗牛肉白酒一夕卒當是庚午歲尚早四年誤也新史正之云大曆中卒

杜甫卒葬

唐書云杜甫客耒陽嘗遊嶽廟為暴雨所阻旬日不得食耒陽縣令棹舟迎之乃得還啗牛肉白酒一夕卒王洙序杜詩亦沿史氏言醉飽卒元稹墓志言甫扁舟下荆楚間竟以寓卒旅殯岳陽歿後四十餘年始克葬然則甫之埋骨于

偃師也明矣。又按劇談云：甫客耒陽，一日舟中飲醉，江水暴漲，甫為驚濤漂汎，其尸不知落何處。玄宗思甫，詔求之，是令積空土于江上，曰：甫為白酒牛炙脹而死。按玄宗自蜀，得子公方為諫官，帝晏駕，甫在蜀，代宗登極八年，甫始卒。年月失實，不足信也。然宋人有題子美墓云：一堆空土，烟蕪裏，空使詩人悲歎起。捉月走入千尺波，忠諫便沉汨羅底。固知天意有所存，三賢亦同得一水。則又言甫死于水矣。

李賀生卒

宋祁唐書李賀傳：卒年二十七。李高隱作賀小傳：年二十四。王元美卮言：賀年二十六。所載不一。高隱與賀同時，當為實錄。

元微之卒葬

南部新書云：元稹之薨也，卜葬之夕，為火所焚，以煨燼之餘，瘞之。予按白居易為元稹作墓志，以太和五年暴疾薨于位，六年七月十二日，祔葬于咸陽縣奉賢鄉洪瀆原，未嘗言及火焚足

徵南部之妄

白傳墓地

賈氏談錄云白居易墓龍門山河南尹盧貞刻
醉吟先生傳於石立墓側洛陽士人過者真以
卮酒塚前方丈之石常成泥濘按居易志銘
墓在華列下邳縣臨津里北原祔侍郎僕射二
先塋戒後勿建神道碑但於墓前立一石刻
吾醉吟先生傳一本可矣龍門山在今西安府
韓城縣東北八十里下邳縣即古渭南縣在華

州城西五十里相去遠甚賈氏之言似為無據

梅花道人墓

元梅花道人吳仲珪墓在蘓列武塘題曰梅花
和尚之塔今有橡樹猶存

李空同墓

李夢陽北地人墓在河南府鈞列大陽山侍郎
崔銑作墓志

朝雲琴操墓

朝雲墓在惠列西湖在司為治墓隧琴操墓在

天目山石佛殿前後人為之立碑至是山者亦
多題咏甚多人之貴附青雲以不朽也
人倫盛事十二則

兩世史官

古有兩世為史官者司馬談子遷劉向子歆班
彪子固王銓子隱姚察子簡李太師子延壽劉
知幾子餗若吾閩林文安三世史官古所希觀
八龍五馬 黃叅

南齊柳元伯子五人皆領列五馬參差于亭唐

殷文圭云荀宋門內羅列入龍柳氏亭邊參差
五馬黃云若吾家璞公蟾公兩校書璞公子仁
澹三史仁澹太子正字仁滔御史仁藻著作郎
仁渭秘書監庶子仁澤武狀元世稱一門五字
士家亦何域八龍五馬

文惠文安

宋陳文惠堯佐以太子太師致仕卒年八十二
子十人長尚書主客郎中述古次比部員外郎
求古次主客員外郎學古次虞部員外郎道古

次大理寺評事博古次殿中丞修古次秘書省
正字履古次光祿丞海古次大理丞襲古次太
常丞太祝象古我朝林文安瀚以太子太保致
仕卒年八十六子男九人長鄉進士庭桂次太
子太保工部尚書庭樞次指揮僉事庭楷次慶
遠知府庭杓次廣東都司經歷庭樟次潮別推
官庭榆次上虞縣丞庭枋次鄉進士庭枚次太
子少保禮部尚書庭機古今多福多壽多男子
西公而外不多見也二公俱史館知制誥俱謚

文而子皆列宦籍尤相等也

狀元宰相

宋狀元為宰相者六人呂蒙正王曾李迪宋祁
苗夢炎文天祥因朝狀元為相者十四人吳伯
宗胡廣馬愉曹鼎陳循彭時謝遷費宏顧鼎臣
李春芳申時行朱國祚周延儒高輅

浙江文場

弘治壬子浙江文場中夜半場中人見東西立
二巨人一衣緋一衣綠合言曰三人好做事遂

隱不見是身胡公世寧王公守仁孫公燧同舉
于鄉卒之宸濠之變胡公發其奸孫公折其氣
王公平其難三人相次成功云見王允寧孫忠
烈傳

第十九名

建陽李有年舉嘉靖庚子鄉試第十九名其弟
有則舉己酉亦第十九名有年子國韶舉萬曆
甲午亦第十九名父子兄弟榜次相同亦一奇
也又建寧貳守吳興施可大二子壽明浚明先

後中萬曆壬辰乙未會試俱第十九名尤奇矣

檢曹

困初進取不抱資格有檢吏而置身青雲者自
况鍾外不可悉數如閩縣吳復任工部侍郎陳
永祥任惠列知府南平楊文達惠安洪炬俱任
太僕寺丞連江孫瑛任吏部郎中建安虞大政
任吏部主事候官胡鼎任戶部郎中福清游元
欽任濟南通判高世岳任盈天通判孫瑛洪武
中陳永祥宣德中吳復胡鼎天順中楊文達洪

炬正德中盧大政游元欽高世岳嘉靖中

父子百歲

義烏人陳世恭至萬曆戊寅年一百六歲子陳
迪亦壽九十八歲

福清三老

宋季福清有三老政和間林雄年百七歲紹興
中林洞年百十七歲並恩授迪功郎張魏公後
名其堂曰眉壽二子年俱九十餘同時有吳齊
年九十三亦恩授迪功郎又蔡伯倫三歲舉神

童年八十七卒林瓌年九十卒

烏青九老姓氏

宣德間湖州烏青鎮有九老趙巖官序班年九
十一吳煥年九十趙政年八十九孫孟吉建文
中太常博士年八十五水宗達運司年八十二
漏瑜建文中御史唐其諒建文中縣丞胡敏錢
郁年皆八十漏瑜會稽人唐其諒鳳陽人革除
後流寓烏鎮俱能詩結社倡和亦一時之盛

莆田九老八老

嘉靖初莆田有逸老會皆鄉邦之望都憲林茂
達年七十五憲副吳希由逸士林嘉績俱年六
十七御史林季瓊知縣宋元翰俱年六十五憲
副林有年六十四侍郎鄭岳年六十三侍郎年
林富寺丞李廷梧亦幾六十有逸老詩集行于
世隆慶已巳有耆老會太守鄭弼年七十八少
參雍瀾年七十七太守陳敘年七十六運使林
汝永年七十五主事柯維騏年七十四太守林
允宗年七十二尚書康大和年七十一大和賦

詩云故里重開耆老會七人五百二十三後尚
書林雲問年六十九亦與斯會真太平盛事也

同居

世傳同居皆曰張公藝九世難矣熙寧中上虞
劉承詔家同居十世四百餘人趙清獻為越州
具奏上聞旗表其門人鮮知者田子執留青日
札序至十八世承詔不與

筆精卷之七終

徐氏筆精卷之八

晉安徐勣興公撰輯

同里邵捷春摩復訂定

陽陵黃居中明直編次

人事二十五則

積善之家

人行一善可謂之善矣行數善可謂之積善之
人如范希文父子捐麥舟事可謂之積善之家
矣易曰積善之家必有余慶非指一人一事言

也

智岩警語

世有慈府長逢禍胎兒翅積習晏安於其中未
曾一念覺悟今人於四者無不蹈之役意其能
免乎

罪官蓋棺

見一人罪官功名富貴之念常添一分淡送一
人蓋棺妻妾兒女之情常減一分輕
殺人欠債

諺云殺人償命欠債還錢今之豪家以威勢殺
人質賄官府即脫巨室以厚息逼人致死官府
亦不之究是殺人還錢欠債償命也

裸葬

楊王孫家業千金厚自奉養及病乃囑其子裸
葬今人家累千金生前藟鹽布素死而求美木
紵絲紵而烹豕刲羊葬而伐石起塚視王孫孰
知孰達哉

好給沙門

周

何次道好佛信給沙門而不施貧乏致仲堪好
道不悅財賄而蓄于周忽今有信佛求福者廣
施貧賤不吝千金而貧交勸一錢之賤與其結
細髡徒不如日賑困乏

郡吏碎玉

郡伯喻公政偶裁答遠書呼役取玉巾色匣役
失于墜地郡伯不問也後請罪友慰諭之次日
從重價購匣償公公喜而還其價其雅量與裴
行侯吏碎瑪瑙盤談笑自若韓琦吏碎玉杯神

色不異何多讓哉

鬱林石

唐末陸龜蒙續高孫也其門有巨石是續鬱林
携歸者至龜蒙時猶世保其居李德裕殷勤戒
子孫不聞子孫保守信夫子孫賢不肖非祖父
文字可訓戒也今鬱林石移置察院前觀然數
尺號廉石吳文定作廉石記

遊嫌

宋宰相韓億謚忠憲四子綜絳維縵同奏名禮

部忠憲上疏曰臣子叨陛下科第雖非有司觀
望然臣既備位政府天下將謂由臣致此臣教
子既已有成又何必昭示四方以為榮觀哉乞
盡免殿試唱第誠懇再三仁宗嘉歎遂俞所請
我朝陳循王夫之子不第因而彈劾試官萬曆
初江陵柄國二子皆及第一子進士未幾割奪
流貶方之忠憲能無愧乎

如婦

南唐樞密杜業妻張氏甚妬烈祖命元后召誡

之張雪涕曰業事陛下所藉者駑馬之力未竭
耳若疑之反貽其禍將悞於任使矣烈祖嗔嘆
以銀盤絲段賞之夫如^婦既不利其夫而又可
言以誑人主及獲厚賞可畏哉

惡婦

婦人之惡過於男子生前無論即死後猶能為
祟如如婦津是已濕黜發掘唐帝諸陵剔取金
寶惟乾陵以風雨屢作不能發土人云或有游
戲侮慢及取其瓦石皆有靈響

延師舫

重
陳履吉林熙工皆余友也熙工修淨業是跡
八城市履吉雅^之一日具贖幣陳熙工為師
執弟子禮特造一船而曰延師舫後吉長熙工
一歲鬚髭盡白同輩無不笑之目^為道^極履吉
曰今之司理縣令皆少年科第無道德學問是
以教人而人望風投拜惟恐其不納也一與
晉接人以為榮喜之求師亦求少年權貴世有
病狂吾何病之自然熙工儼然受其隔坐兩先

甚高也

交友

實
利瑪竇歐邏巴人也著天主實義人傳誦之而
交友論尤切中人情有云古有二人同行一極
富^一極貧或曰二人為友至密矣實法德^古之
曰既然何一為富者一為貧者或言友之物皆
與共也又云視其人之友如林則知其德之盛
視其人之友落落則知其德之薄

死友

張幼于有友姚文學懋言借齋中卷疾疾為其
伯氏懋樂致舉之歸幼于輒然曰生為吾友死
即非吾友耶竟卒于館舍幼于服認送之膏潤
陳沂蓄德錄載吳文定寬為僧撰時有同年賀
恩寢疾將為誓託于公之旁庶公即掃室請遷
及卒舉殮于中堂使其子服裹以答而者幼于
此舉可謂不愧文定矣

通財

余嘗慨朋友無通財之說聖門諸賢推顏子原

憲為最類則簞食瓢飲所居陋巷常則二旬九
食提衿見肘甕鋪繩樞食亦極矣乃同時有子
貢廢箸鬻財于曹魯之間最為饒益且結駟連
騎以訪弟憲又有公西華乘肥衣輕常時亦不
能分給二子稍稍不至乞絕可見通財之義賢
者猶難之况末世乎且夫利西秦交友論曰一
貧一富號曰相知某人曰既云相知胡為一貧
一富哉

溫公僕

司馬溫公家一僕三十年止福君嘗許魯齋在
中書欲買一僕牙僧以能應對間禮節者進報
謝去後得還首垢面愚駭者用之或詰其故曰
聰明過我我反為其所使矣噫此腐傷之先也
遠伯玉使人於孔子孔子曰使乎使乎未嘗愛
愚駭之人也至司馬公為其僕呼君壘乃公之
盛德若人家畜此奴不大愜事耶後世腐傷遵
此為訓是主僕皆憤憤者耳閩中福興漳泉人
家僕輩頗跳梁然皆識體至延建邵汀主人肅

客而捧茶僮奴隔坐主之不以為怪僮愚駭垢
面終身不知着衣戴帽魯齋之言愜之也

狐鼠盜

晝仗劫劫者狐也鼠也蚊也盜也四者乘陰氣
人之所惡也士君子昏夜乞哀其狐鼠蚊賊之
類與

奇天

戶樞不蠹流水不腐是以安遠者常多疾病勞
碌者恒解損傷好花易謝不材天年是以智巧

者恒致天折者多享遐齡

同干支

先府君與同邑宋某同生正德癸酉年月日時俱同同補諸生同食館同月生女又同避嗣續至丁內外報備值疾病無弗同者嘉靖戊午宋以病卒無嗣享自府君生余伯兄及為邑宰并生余乃弟較宋某多三十四年前半世無弗同後別迥異宋號瑤坡忘其名

又黃參

莆

吉水羅循莆田吳希田同干支同登弘治己未進士官俱止憲副俱以癸巳卒羅以四月吳以九月但羅子洪先及弟一人而吳子止廣文也吳為四川憲副備兵威茂斬賊無算而羅或以張德昌後耳

按黃參考羅循陝西白河人三甲有羅僑乃吉水循當作僑以許本為正三元表云洪先父傳亦誤

又黃增

余鄉有干支同者惠安戴一俊與晉江周良順同生嘉靖戊子年月日時無弗同者戴以壬子癸丑聯第而周重甲子乙丑乃成進士則連十

二年也然起家俱戶部俱出守戴溫列周明外
俱浙東俱轉憲副俱以守調簡同也戴居由之
後周始登第周卒年六十二戴年逾八十戴有
子亮機舉登卯周有孫廷孫舉乙卯則同而不
同不同而同也又余友陳封君賓與邑人王惟
福別駕同干支王領丁卯鄉薦而陳以是年舉
觀察亮來福傳壽考後過之嘗自身科右與子
孫榮膺亦互相虧盈耶余同姓洪方伯嘗著與
韓城薛方同生丙辰乙未辛丑丁酉同第萬曆

王

壬辰同試政吏部然洪舉乙酉薛舉辛卯洪由
祠部郎督學兩浙歷參知廉訪左右轄皆在浙
薛以臨淮令推民部調銜部歷擢勳考功文選
諸官洪亦以其年致政薛後起太常少卿丙辰
不祿洪亦以其年卒壽俱六十一同也又星士
連堪與余言近年羅某與一同年某同于支同
弟某科進士同授某令同行取羅得南刑部某
得南刑科情甚昵晨夕過從凶厭居南中大度
羅舉家死凶略盡羅亦得是病幾殆而某獨無

善無日報車視羅之後瘥稍可怪其不建詢之
則先一日死矣蓋羅以闔門代死而某及其身
豈非命耶因閱三命通會記樂善錄云大學二
士人同命又同教解約差遣相近彼此知災福
後一選鄂別投一選黃別投黃別者死鄂別者
為襄事祝曰我與公同干支亦同公先我亡
我即死亦後七日矣若有知者入我夢以告其
夜果夢某年之我生富貴言過及死公寒素
未享用故活後鄂別者官至典郡以壽終則儉

約長年奢溢損壽此又一徵也又載家司徒懋
官與申副使侑命同司徒死亂兵中死儻下而
申先死朱官保衛李大參廷龍命同朱弟壬辰
李弟癸丑逢寇差二十餘年而官之崇卑命之
修短又無論矣為侍郎案饒太守才命同然為
成進士饒止鄉舉為官職或饒止郡守為以謫
成死而饒則否饒少子為文子豈子孫官爵
互為牽除造物亦忌于多取耶因并述之以質
知命之君子

飲食

高帝不忘情于顏羹韓信不負諾于漂絮靈樞
赴龍以酬恩劉明乞食思冥報誰謂口腹之微
無關心身之重

祈禱

武王疾而周公以身代聖人亦不能以命自安
孔子病而子路以禱請賢者亦不免以神為位
是以聖人實者作之于前愚夫愚婦感之于後
再拜

玉藻君酒肉之賜弗再拜子思於繆公餽鼎肉
稽首再拜而受孟子亦曰以君命將之再拜稽
首而受子思孟子先與禮拜矣毋怪後世之廢
古禮也

諺

今人諺語皆本于古句法恒相類如掩耳偷鈴
刺舟求劍坐井觀天抱薪救火守株待兔膠柱
調瑟落井下石隔靴搔痒炊沙作飯見兔放鷹
灼艾分痛臨寒索裘又如水中摸月佛面削金

管中窺豹夢中說夢屋下架屋人皆常談鮮有
究其義者

雅事八則 俳諧附五則

山林公案

友人陳履吉云山中何景最奇曰雨後露前花
朝雪夜何事最奇曰釣同雀守果遣猿收華亭
陳仲醇云三月茶笋初肥梅風未困九月蓴鱸
正美秫酒初香勝客晴窓出古人法書名畫焚
香評賞無過此時二語足為山林公案

睡訣

陸文量睡訣云半酣酒歎自宿軟枕頭煖益足
能息心自瞑目余不甚喜睡嘗有訣云俗事簡
聲色恬不怯冷魚苦炎厚襯褥低下簾倦即即
自黑甜友人陳履吉云手宋人陳編輒自引寐
此山窻睡訣也過矣過矣

煮茶

友人羅高君曰山堂夜座汲泉煮茗至水火相
戰儼聽松濤傾瀉入杯雲光灑灑此時幽趣未

易與俗人言

奕棋

奕雖小技然日長一局是最清境界林君復生
手極清至以著棋擔糞并稱煞風景笑不如與
楊廉夫云棋損聞心畫為人役語和緩有致

鑲冠

○楊廉夫號鐵冠道人所載鑲冠重四錢六分向
藏高太醫家陳眉公今收得之聞其買鑲冠時
正在除夕前數日公私之連蠟集猶抽刀置此

足稱名士

竹如意筆籜冠

南齊明僧紹隱勞山詔徵不就賜竹根如意筆
籜冠隱者以為宋

着裘帶帽

華亭孫雪居太守十月便以薪草縛柑桔上陳
眉公曰此為木奴着裘余小園中喜種菊結苞
時以龍眼殼罩之直至臈後放殼始開陳惟秦
嘗戲余云此為菊花戴帽可為的對

種菜

茁

宋宇種菜三十品、雨後按行園圃曰、天苗此徒助余鼎俎、周顛曰、春初早韭、秋末晚菘、王維詩云、松下清齋折露葵、三君皆得農圃風味、此况未可與肉食肥漢道也、

客酬主 以下俳諧

有人宴屠緯真酒酸、持杯勸曰、李白斗酒詩百篇、君非青蓮後身耶、緯真笑曰、令我能吸三斗他日可為宰相、其人悟而易酒、張幼于赴吳令

招酒酸幼于先以巨觥勸吳令、令曰、主人未勸客、客反勸主人、辭毋之、幼于必勸主人飲、一人入口知其意、即易酒

狂丞 黃卷

張東海狂丞志云、嘉興丞某嘗訪一鄉真坐侯其出、輒狂主人亦恐覺之、相對默坐、亦狂丞覺不欲妨、主狂坐待、又狂主既覺丞猶覺不欲覺之又狂、以待丞覺晚矣、主狂方酣、遂不交一語而去、余友沈從先其人亦善狂、嘗宿予齋、頭了

齋

晨起有親故出殯往近七十里暮歸猶未覺也黃云余家從兄以葬王父母舉家送殯留一僕守舍與之米使自炊三日歸則及扃其戶呼之不應竊意其墜垣以遁而四壁宛然因斬關而入猶在吟嚶中米仍未炊也蓋暈而書夜視沈更耐耳

蹲鴟

顏氏家訓云江南有一樵黃讀謬本蜀都賦注解蹲鴟芋也乃為芋字人饋羊肉答書云損惠

蹲鴟舉朝驚駭張九齡知蕭昊不學故相調謔一日送書稱蹲鴟爾答云損芋拜嘉惟蹲鴟未至耳然僕家多怪不願見此惡鳥也九齡以書示客滿座大笑

君臣無鬚

燒

李勣常疾醫云得龍鬚灰可療太宗自剪鬚燒灰賜之服訖而愈李勣姊病自為粥而燻其鬚余嘗戲謂在杭曰真觀時君臣皆無美髯在杭說余無典故余以勣事答之一座絕倒

判語諧謔

鄭安晚居青田府鹿食民稻犬噬殺之府囑守
賧犬主幕官擬云鹿雖帶牌犬不識字殺某氏
之犬償鄭府之鹿足矣浙右有富人捨竹園于
寺後其子貪甚取其笋僧執為盜聞于官守判
云當初捨園指望福田既無福田還他竹園二
事出隨隱隱錄亦足解頤又宋李徧嚴簡特者
婦省其姑藏私醜聞之官官判云姑誠有罪然
為婦者宜代受杖逐杖其婦而遣之尤一快也

天象地輿 七則

赤雪

仙家有絳雪晉朝雜事云太康七年雨赤雪二
頃唐五行志貞元二十一年正月雨赤雪于京
師孫甫有論赤雪疏非祥兆也

甜雪

不富世所

周穆王時四王母獻味列甜雪見括遺記

金馬碧雞 以下地輿

金馬碧雞二山在雲南神在成都漢遣王褒祀

金馬豫難之神寔在蜀也蜀有豫難坊薛濤曾居之

廬山

周武王時方輔先生與李元君跨白驢八山煉丹得道仙去惟廬存故名廬山又云周威烈王以安車迎匡續續仙去惟廬存因命其山為靖廬山邦人以先生姓呼匡山又曰匡阜匡

山川異辭

平涼有彈箏峽峽口水流風吹滴屋如彈箏之

韻金陵靈谷寺有琵琶街湖口有石鍾山武夷有鼓子峰皆山川之異辭也

武夷木樓

武夷鼓樓名舊志云石樓四極非也萬曆登來五月隙孔震司馬馮陳羽士引至鼓子峰前鐘模石下緣石壁至其所見^木造報樓一區高唐三四尺瓦甃皆以木宏樞戶鋪皆具制其精巧釘泥出木外四五分不知何代物傳云水連或然也司馬至時不能及歸怖甚遂作昌黎華山

之慟程羽士力振之始得下

呂望洪石硯

呂望洪行署之北山髴美石可為硯嘉靖初張
鏜為主事分司其地始剖石製硯姚明山泮紀
其事云此石負罔受暑不讓端歛律列又有一
種花斑石非此類也

國憲七則

國朝事勝前代

謝鐸云我太祖遠過于宋者五事一擴美狀

以收服諸夏二肇基南服而一統天下三威加
勝國而鋒刃不交四躬自初業而臨御最久五
申明祖訓而家法最嚴陸文量云本朝政體度
越前代者數事公主寡不再擇壻中官有寵者
賜袍帶不與朝臣并任王公不敢擅殺人重臣
不得自辟下僚文廟不用塑像只用木主岳鎮
海瀆之神不加封號文武官員不得挾妓眉公
曰更有十事生員不許陳氏間利弊九鎮鎮府
以文臣為將天子自為居守閣臣六卿外廷會

推內廷不得專擅母后不稱制勲戚不于政皇子講官即宮坊察案不立博望苑不開天策府無殉葬不用黥^刑劓閹之刑京師有執審省直有減刑非大典不輕赦三品以上始蔭子入監執袴不得濫朝籍余曰最善者不改元官員蒞任不用謝表大夫士庶俱載網巾不用團扇用摺扇濱海之地不運糧選官惟進士舉貢監吏不別開科目此尤極便于官民前代未有也

國朝御寶

國初舊製十七顆 皇帝奉天之寶即傳璽也
兩郊大祀及脞節青詞宮中用之司官不與受
皇帝之寶詔赦用之 皇帝行寶頒賜用之
皇帝信寶徵戎伍用之 天子之寶祀百神用
之 天子行寶冊封蠻夷用之 天子信寶調
番卒用之 皇帝尊親之寶薦徵魏用之 皇
帝親親之寶展宗盟用之 廣運之寶論臣工
鈐號籍用之 制誥之寶凡制用之 勅命之
寶凡勅用之 敬天勤民之寶飭覲吏用之

表章經史之寶 欽文之璽嘉靖十八年新製
七顆 奉天承運大明天子寶 大明受命之
寶 巡狩天下之寶 垂訓之寶 命德之寶
討罪安民之寶 初正萬民之寶 自皇帝之
寶以下十五顆皆司官所得請用 表章經術
以下九顆皆藏乾清宮 萬曆丙申宮燬移貯
文華殿內臣守之司官有時請用用訖仍輸於
內

印文

內外諸司印文俱用疊篆以九畫為止字用成
雙不及雙者足以文字而編兵所掛印文則用
柳葉篆其玉璽與王府之寶則用玉箸篆其印
形方大小有差一品者三臺二品者二臺俱銀
三品以下者銅惟應天府特賜銀印巡按御史
鐵印柄端有孔條穿之其餘職衙門則形稍長
不方謂之條記

永樂天順正德

南唐賊張遇賢宋方獵俱改元永樂遼述律貌

天順皇帝宋西夏賊魏正德我朝同此三號儒
臣失考之過也甚矣宰相須用讀書人

周太祖十二樂

五代周太祖廣順元年遷蔚議改漢十二成為
十二順之樂祭天神奏昭順之樂祭民祇奏寧
順之樂祭宗廟奏肅順之樂登歌奠玉帛奏威
順之樂皇帝行幸及臨軒奏治順之樂王公出
入送文舞迎武舞奏忠順之樂皇帝食舉奏康
順之樂皇帝受朝皇后入宮奏雍順之樂皇太

子軒懸出入奏溫順之樂正至皇帝禮會登歌
奏禮順之樂郊廟俎入奏禮順之樂酌獻飲福
奏福順之樂祭孔宣文齊太公降神同用禮順
之樂三公升階及行同用忠順之樂享籍田同
用寧順之樂今五代史無志故樂名溯享十二
樂見郭茂倩樂府是補史氏之缺

金花帖制

唐登進士有金花榜帖用塗金黃紙闊二寸長
四寸大書姓名下有兩知舉花神仍用白紙作

押

大帖貯金花帖外亦書姓名二字蓋以此報其人也先崑山志

茶戶

北苑園茶盛于宋民編徭役名曰茶戶及至我朝久罷其貢而茶戶子孫年費數十金輸官多至破產歷洪武迄萬曆初無有議免其額者泰和郭公子章理建別業得其狀請于兩臺蠲其稅夫園茶之貢久廢禍及茶戶十數代子孫無名橫征莫此為甚郭公初仕即能積數百年積

寔

弊莫有寔政在民者不識當時丁奉翰貢日民輸之苦又何如也

挾疑入別

孟子出妻

荀子言孟子思敗而出其妻韓詩外傳言孟子欲出妻因母言而止二說不同書可盡信哉

高柴為武城宰黃恭

人知子游為武城宰不知高柴亦為武城宰而化行民有不服其親者故之行喪如禮君子之

德風也以身先之而民不遺其親右見陶元亮
士者傳家語亦云仕為武城宰按檀弓云成人
為童者則子羔將為成宰遂為
善惡成未必為武城或語也有其兒死而不

子平

宋有徐子平精星學術士宗之但福曰子平子
平名居易五季人與麻衣道者同隱華山今之
推子平者祖宋末徐彥昇非子平也

積惡公忿

人有積惡公忿莫可誰何者著書人厚誣之

以快天下之忿如秦始皇為呂不韋子賈似道
為逃婢姦生又謂其母遇賈涉挑而從之又謂
賈涉通爨婢生似道嫡不相容賣為石匠妻賤
昧之事誰其知之奸暴過甚後世并辱其母是
以君子惡居下流

大姨夫

邵氏聞見錄云歐陽文忠與王拱辰同為薛簡
肅婿文忠先娶長拱辰娶其次後文忠再娶其
妹故有舊女壻為新女壻大姨夫作小姨夫之

戲余按歐公文集公初娶齊氏年十七卒繼娶
楊氏年十八卒三娶簡肅第四女偕老焉而薛
王拱辰所娶者第三女也拱辰喪室又娶薛氏
第五女則王為大姨夫非歐公也

太祖御像

長洲玉錡寓圃雜記云吳故墟之西有天王堂
其南廊土地像為劉總管所塑甚精絕永樂初
襄陽閻雋為蘇州衛百戶偶覩此像即伏地泣
人問其故答曰我高皇帝之容也蓋雋

侍 帝左右五年諦視甚熟故感泣耳自
是遍傳吳中余以萬曆壬辰秋客吳友人錢允
治與余遊吳故墟入一寺寺前有土地端坐錢
曰此我高皇帝像也余駭詢其故錢以
前言對其塑像方面大耳隆隼豐額與今時所
傳畫像大異近閱張氏部萱疑耀云萱直西省
始見因府所藏高成二祖御容
高皇乃羨丈夫也鬚髯皆如銀絲可數不甚條
無所謂龍形虬髯十二黑子也
成祖豹

額環眼兩鬚橫分鬚長累臍皆翼善冠衣綠不
正立然則高皇之像蘓烈天王堂土地
所傳非謬矣吳黃暉蓬軒類記亦載天王堂事

玉璽圖說

天啓四年九月四日磁列東八里臨漳縣務本
村漳河北岸有田夫刑姓者正畊野間瞥見異
風數陣河浜攤塌聲震林木隨滾出黃白色物
如斗大光芒陸離精彩奪目三尺許乃除去浮
土得玉璽不敢自秘因呈本道按而驗之重一

邢

百二十兩方各四寸面厚一寸二分螭龍鈕高
一寸八分篆文曰受命于天既壽永昌於都懿
哉余觀此寶埋光掩彩不知閱幾千年聖明
在御遂獻禎符是天終不受道地終不受寶也
所謂既永昌且爲我皇上發之矧夫黃河壽
澄清鳳皇來儀諸瑞畢至迺爾未有禎祥迭見
如今日之盛者億萬斯年惟願皇上相傳若
此敢不靖共厥位以輔受命于無疆哉分巡河
北道副使齋東張夢鯨撰按南村輟畊錄云至

元三十一年甲午春正月太師國王之孫曰拾
得者嘗官通政院事既歿家計窘極其妻脫腕
真紫病一子九歲以玉負供朝夕及出玉印也
取視色混青絲而玄光彩射人其方可尺四寸
厚方之三背釵盤螭四厭方際紐畫璽罅之上
取中通一橫竊可徑二分舊貫以韋條面有象
文八背若虫鳥魚龍之狀其文曰受命于天既
壽永昌此傳國璽文也秦以和氏璧所造厥後
有天下者寶之以君萬國御史楊桓率百官進

竅

獻皇太后御前傳旨賜收王之家褚辭三十五
百贊御史中丞崔進傳國璽歷攷累朝傳授
亡失之由先輟耕錄但篆文係鳥跡非若天啟
四年臨漳所拾者也崔或錢曰徽宗為金所虜
凡有寶璽金皆取之內璽十有四青玉傳國璽
一與至元所獻同則知南渡二百年無傳國璽
也明矣天啓四年所獻璽與至元所獻大小不
侔篆文亦是宣徽宗十四璽中之一手記之以
俟博古者

石鐘

湖口石鐘山水經注以為水石相搏若洪鐘唐李渤以為潭上有雙石聲清越若鐘蘇子瞻親履水濱聽風聲答遂非李說千百年幾成聚訟東坡好竒者也又鄱道元載之水經可據若李說山石之響字內何處無之烏足以為是山哉

博聞八則

瓦棺

人死藏魄于木古禮也金陵瓦棺僧事甚異陸放翁筆記云靖康丙午臨印夾門鎮山陰處得瓦棺長七尺厚二寸與本棺同骨猶不壞然則昔之以瓦為棺不獨一僧也

金蓮炬

金蓮炬送歸院始于金孤絢字王佳蘇軾見迴史浩亦被此寵今人但知蘇軾

鑄硯

古人用鑄硯者柔維翰也洪崖先生歿歸河內

厓

舍人劉守輝以揚雄鑄硯以鑄硯始自揚
雄維翰知之耳

琵琶故事 黃茶

琵琶故事 烏孫公主王昭君 漢陽高妙最著皆
婦人也 男子無聞 黃云善才非男子也

放龜

毛廣放龜事 定其軍人 實本傳 諸書 誤以為
齊相 沿不案 實守 郟城 石虎 遣將 攻城 實定 圍
出 溺死 江中

戮魑

人但知韓文公能驅魑鬼 遠徙而不知宋陳文
惠竟佐詔縣吏操網捕魑 戮而烹之 曾有魑既
徙至宋 搗出食人 文惠一戮之後 不聞魑 再為
患 然則文惠之功 在昌黎上矣 文惠有自撰戮
魑文

放菴

徐列雲龍山 山人張天驥 放菴 崇山人有二
菴 甚別 且則望而山而放 莫則望而山而為 蘇

子瞻為作記今人但知林和靖孤山訪崔亭而
天驥之名不著特表出之

捕蟬

今之捕蟬每用桃膠塗竹竿梢上粘之即
得曹子建云怪象擊之冉冉分運微粘而我纏
欲翻飛而逾滯兮知性命之長捐蓋自古已然
矣

占驗

朱子前定數

義烏東平山有宋平昌刺史劉豪墓隆慶戊辰
長至裔孫尚恭重脩墓碑掘數尺見墳臺上
有磚方尺許刻晦菴卜墓數云天聖戊辰墓此
丘蔭十八紀出公侯子子孫孫垂不替繩繩武
武永無休五百四十年損十七八歲裔孫脩
戊辰戊辰新一石重脩重脩千百秋秘書郎朱
熹按天聖戊辰至隆慶戊辰年數良是而長書
至又恰戊辰仍孫劉任龍在宋贈武節侯脩墓
裔果年十七歲文公之數亦奇矣劉之曾孫煇

○ 煇皆文公門人故為之卜而刺之墓

吳司空夢

新建吳司空桂芳未第時至鯉湖禱夢仙書云
蘭陵美酒賞心樂事功蓋天下澤及萬民公密
記之人問夢只以前兩句對及登第出守揚州
莊任之日見酒肆中懸一招牌則前兩句憬然
有悟但後兩句未驗耳後公累官漕運總督經
畧淮海晉工部尚書以勞瘁卒贈太子少保制
云功蓋天下澤及萬民乃歿後始驗也

水去就好

華亭曹別駕藩為諸生日禱于鯉湖夢一童子
云君榜上已有名但水去就好甲午試北畿從
閘河入京竟不第迨丁酉歲焦弱侯為考官錄
其文魁禮經寫榜人誤書藩字作蕃所謂水去
之應也別駕與余言

醫學四則

褚氏平脉

○ 南齊褚澄精于醫著書十篇刻石殉墓後盜發

其塚書傳人間第三篇平脈言女子肺脾命在左心肝腎在右與今人診脈殊異錄之備攷

學鑿五難

- 祝允明云病家貴驕不肯驚從一也病人愚悞強謂自知不能服從二也愚下之輩不辨良庸時有劣工謬得俗譽愚下必棄上匠而委劣工
- 三也劣繆之徒信其妄施偶中他力自執為是
- 四也良雖薦藥服者他參用而復效愈不專工
- 敗乃分論五也

喉閉藥

○喉閉之疾用鴨嘴磬調釀醋灌之即吐膠痰見痰矣辛雜志

稀痘方

○王損菴筆塵云姑蘇有一僧賣稀痘藥服之神驗王荊石相公許以重利欲傳其方峻拒之後以十金得之於其徒乃玄參兒絲子二味等分蜜調服之公欲廣其澤見人即說後罕驗蓋秘方廣傳則不効人莫喻其理王先生曰象生業

力大製方者心力幾何不能轉之故也予謂古
方療病今人多不驗瘡瘡五年一發或時年宜
用涼用溫未可執一而治予幼年見閩中治瘡
什九用參朮道年用補者死多用涼劑此可以
破其說矣

靈異 十一則 附果報四則

阿育王塔

四明鄞山阿育王塔晉太康三年從地湧出其
狀青色似石非石高一尺四寸方廣七寸露盤

五層四角挺然中懸金色小鐘舍利懸于鐘下
圓轉不定繞塔四周俱是鏤空諸佛菩薩金剛
聖僧八部尊像神工聖迹非人力所及萬曆丙
子平湖陸五臺公瞻禮初見舍利大如芡實已
如彈丸已大如瓜最後大如車輪五色變幻光
彩射目壬子春和郭孔泰孔陵到山瞻禮舍利
初視若黍珠已如豆如蓮子同觀者或見如新
菱半殼兩角玄絲綴以珠或見如葡萄色或
見如桃瓣或見如金蓮花瑞相種種莫可殫述

始知佛大神通歷千百年不滅也

金雞

武夷接筍道士程應玄者曾入金雞下洞從舟
中仰視洞若不甚深廣所堆木若有限比後其
所甚宏遠內有三丈餘楠木上閣仙斡十三函
每函以麕一二片脰骨一二莖手骨一二節皆
裹以錦帕一函中有雀骨以與足各一又有楠
木刻一冊長丈餘濶三尺內細羅香末并香灰
幾滿而洞中香灰成堆者亦累然上金雞洞

視下洞為小人不致到萬曆丁丑五月有張富
郎者年八十餘冒險入其中則先數人斲脰香
灰內傍有銅磬覆地富郎翻多視之磬下一雞
遽展報扇查灰時目倉皇俯伏半物稍息亟
由籃繼下半空籃撤富郎墜入舟子懷中無恙
後年九十終應玄親見富郎道其詳陳司馬又
親見應玄紀其詳

金雞洞香爐

武夷金雞洞舊志云嘉靖甲午堯李鍊香爐可

三百斤戊戌御史李元陽作記洞中見新置
一物如香奩狀丹半燐燐約方六七尺傳御先
一日望洞中無有次日乃有是洞在二十仞之
上下臨不測何一宿之頃能致之速耶據此二
說則洞中死者先為香燐後死者不知何物
也通年陳司馬孔震記云只是洞信石在岩中傍
有一壚若盤盂而不見所謂六七尺及三百斤
者豈變幻無常耶

石鏡

高州府城有洗夫人廟祀梁太守馮寶妻廟前
古碑一通厚可尺餘有石鏡一點白色形如碁
子通明瑩徹視之可見後殿屋宇器物余知游
高涼及壯所見異物僅此耳

地精蟒精

范鎮東齋記事云蔡君謨知福外疾不視事者
累日夜夢登報樓馮報而怪通判有怪報其角將
異日不打三更者因對數夜有大蛇盤據報上
君謨既愈與通判言所夢正與報角將所說同

遂以君謨為蛇精。朱襄陽志林云：米知無為軍，嘗呼譙門鼓吏曰：夜來三更不聞鼓聲，吏言有巨自蛇纏繞其鼓，故不敢近。米領之叱吏去，不復問。故郡人疑其蟒精。

朱晦庵魏崔山

宋咸淳間蜀人彭澹軒罷江東倅，遊武夷山，嘗獨行林藪，入草庵中，見二士夫，戎冠博帶，對食。招彭坐，俎中豕首一羊肺一雞，一所言皆先天圖易傳性理之學，玄妙深奧，不可曉。鼓問其姓。

字右坐者曰：姓魏，山林野叟，無字可稱。問左坐者不答，日暮辭出。彭明日携僕挈榼再往，無徑可達，下山至一富家，言所以。富家曰：異哉！昨日至朱祠，致祭，正俎中之肴，方悟。左者朱晦翁，右者魏崔山也。此段載異聞總錄，可備武夷山志之缺。

人異

成化間漳平縣有朱孔良家，婦懷孕三年乃生子，生子即轉身行步，三日升樓而去，彌月復來。

又去週歲復來自斷髮為一結取小匣盛之與
母別曰數十年髮解則吾復生遂去不復來矣
正德間母猶存發視之結如故絕無影響邑志
載此事亦大異也

鱉異

錢塘張尚書曾孫某典簿堯恩之子也有塘栖
呂氏餽張活鱉張付烹魚俄聞釜中有慨嘆聲
張異之取視而鱉斃矣剖其腹中有人長二寸
眉目口鼻肢體手足無一不具跣趺坐蓮花上

金中丞公子魯親見之為余言時萬曆戊申年
也

龜異

孫太初居南屏山時養一龜後去道場山遺龜
于南屏僧寺孫化十數年僧明鏡夢青衣人求
救曰某孫太初伴也願師明晨索我于花臺之
下僧寤往發得一龜徑尺為石所壓其筒半裂
而蛆叢集僧欲瘞之越夕不知所往然歲歲聞
其聲至今不絕

魚異

仁和張問渠者家寧元湖之兄也母陳畜朱魚二十餘頭玩弄日久母歿問渠哀毀不忍往見皆變為白群客聚觀感謂魚常變色無異也此及去喪之日魚復變赤儼同除喪人謂孝感所致

金字牌

萬曆己酉五月十四日揚子江心風浪大作有渡般載百餘人幾覆忽見浪中有鬼面者持一

牌起書金字一字衆謂必有金姓者在舟當死果有姓金者一人衆欲推之入水金本持齋誦經乃曰若活衆命吾何惜死然數止此安能倖免乃躍入水中時風狂舟速金彷彿若有人扶之者巨浪送上郭璞墓墩而立見舟斃覆俱溺死獨金得生江右劉觀南觀察親見其事

鼃蟠

以下果報

趙昭儀既死趙后夢中見帝問昭儀何在帝曰以數教吾子今罰為巨鼃居北海之陰水穴間

受千歲水寒之苦後北鄙大月王獵于海上見
巨龜出于波上首猶貫玉釵有瘳人之意大月
王遣使問梁武帝武帝以昭儀之事答之武帝
后郝氏崩數日帝常追悼之一夕聞寢殿外騷
窸聲視之乃見一蟒盤躡上殿睽睛張口向帝
帝大驚蛇為人語曰蟒則妾郝氏也以生存嫉
妒六宮其性慘毒罪謫為蟒耳無飲食可實口
無穴窟可庇身又鱗甲有虫咬啣肌肉痛苦若
加錐刀焉感帝平昔眷妾之厚故託醜形祈一

功德極拔也以妃嬪之尊一旦嫉妬則罰為龜
為蟒今之殘忍妒婦亦將來之龜蟒耳二事須
頌行以警長台

犬異

錢唐江氏過淨慈寺歸夢其凶婿卜四為寺之
堆雲菴犬自言生前為嘉定徐氏子因負寺債
遂墮狗胎于茲三年願丈人為懺除之明發江
氏至寺見犬大慟呼曰卜四官何以至是犬淚
下搖尾隨江氏去為曆壬寅年事僧大經為余

言

毀佛

魏莊渠毀佛槌碎六祖遺鉢折寺院無數後嗣
乏絕身雙江毀寺亦無嗣誰云佛無報應哉

雷震毀寺

表

蜀成都府欽縣有寂光寺廣袤五六里香火甚
盛其地有縉紳劉志淵者垂涎梵宇可拓私居
斥逐僧流毀除佛像方埋佛入地忽霹靂一色
震志淵立斃身首異處後有邊司徒之子一范

破產恢復再建叢林劉氏子復爭之事在万曆
庚子辛丑間時傳金沙張芝陽俱為蜀憲倡義
重興焉

珍玩七則

火玉

唐武宗時夫餘國貢火玉光照數十步積之可
以然鼎實室內不必挾纊古所無也

窰變

饒州府學神庫中有窰變香炉一花瓶二相傳

旧為同青所畫變成赤色今花紋或淡或濃宛然錦繡上署永樂四年造但神炉非玩器也

宋硯

三十年前吾鄉宋硯最多人不知重故家收藏與凡硯等余目擊宋硯不下百數二十年間轉鬻吳越殆盡蓋鄉人利其厚值故也余友林熙工篆籀一硯石質完好背刻嘉佑御賜鄭穆六字林得于鄭之子孫真世寶也穆字閔中侯官人居館閣三十年官至祭酒閔先達也此硯歟

識宛然當為吾鄉第一

流黃劍

上元夫人佩流黃劍會王母於漢武宮中

軟倭刀

嘉靖中胡總制宗憲有軟倭刀長七尺出鞘地上卷之詰曲如盤蛇舒之則勁自若唐天寶時有軟玉鞭光可鑑物屈之則如環伸之則如繩亦異國所獻鍊玉最堅剛之物能屈伸之理之不可曉者

鵲尾爐

費崇先信佛法以鵲尾香爐置膝前陶負白有

金鵲尾香爐

料絲燈

精絲出滇金齒者勝詢之士人云以瑪瑙紫石
英諸藥品搗為膏煮腐如粉然必市北方天花
菜點之方疑即線為絲織如絹狀上繪山水人
物諸色極晶瑩可愛以煮料為絲故名料絲

花卉果木 十三則

桃花故事

謝在抗文海披沙徵芙蓉事極多謂他不能稱
是予以桃花為名亦甚夥因列于後

桃花源武陵桃花渡四明桃花雨天寶中雨如

馬嵬桃花水三月桃花浪杜詩三月桃花醋

之憂桃花水三月桃花浪杜詩三月桃花醋

唐世風俗貴葫桃花花錯海桃花蹊桃花紙

揚炎在中書糊客用桃花馬桃花梗閩穀

桃花石生在定海桃山昔安期桃花扇

桃花帳桃花縹出漢宮儀桃花信毒桃

花未宋武帝桃花張妃事桃花顧桃花貴妃事桃花貴妃事
花酒酒清桃花色見太清桃花益人顏桃花宋太宗淳化
桃花灘在貴桃花觀在都觀桃花中線到貢
紅崔桃花賦桃花武桃花邵桃花洞在杭
護詩博異桃花記紅衣桃花嶺桃花海到泥裡
拋嶺上二人送桃花安慶太桃花臉桃花挾判
歲花開如錦桃花湖縣桃花然桃花池
腮使桃花鐘山桃花獨龍岡桃花然桃花池
犬山西廉桃花趙澤民桃花獨龍岡桃花然桃花池
桃花家獵犬見秘笈桃花獨龍岡桃花然桃花池
桃花井種桃師曠聞落花井中不祥桃花廳梅聖俞

有桃花青桃花縵桃花鞋履桃花雲仙雜記桃花
花骨紅字宮桃花骨桃花行桃花帝桃花入桃花府
名桃花寺桃花夫人桃花見桃花杜牧詩桃花
茶東坡詩凌霄金錢長老乞菴花
凌霄金錢

○ 凌霄花金錢花皆有毒不宜近眼花露入眼則失明

刺桐 嶺南異物志曰刺桐南海至福劍皆有之叢生

繁茂唐陳去疾家于閩郡因言方物云刺桐葉
綠花紅今泉別名刺桐城問之泉人亦云不識
此樹何狀福列蓋未之見矣

枸杞

枸杞續仙傳朱孺子見二犬入杞叢下異之乃
尋掘得二杞根形如犬故名枸杞杜子美以狗
杞對雞栖白樂天詩云不知靈藥根成狗怪得
時聞夜吠也後世方書皆曰枸杞誤也

大茶

天台記丹丘出大茶服之生羽翼又蒙山頂茶
一服祛疾二服無病三服換骨四服即為地仙
故盧仝歌云既覺兩腋習：清風生蓬萊山在
何處玉川子乘此欲歸去皆有所據非漫語也

異草

善語國有草食之令人不眠名却睡草洞冥記興
慶池南有草紫葉而香醉者嗅之即醒名醒醉
草開元送事常山有草置諸門夜有人過輒叱之名
護門草陽東海祖別有草人死三日覆之即活

一株可活一人名不死草十則瓊列有草視其
節知一歲風候名知風草志一統黃帝時有草生
牙庭佞人入則指之名指佞草御漢武帝時異
國獻草似蒲帝思李夫人懷此草輒夢見之名
懷夢草百湯

禹餘糧

張華博物志曰扶海川上有草名蒹其實食之
如大麥七月熟民歛之至冬乃訖名自然穀或
曰禹餘糧唐詩云澗有堯時韭山餘禹日糧

嘉容紅

宋福清翁昭文先儒亢從子也圃中非時生茲
支其母曰豈有嘉容踵門耶頃之莆田林光朝
至因名為嘉容紅可補茲譜之缺

龍荻

交南有一種龍荻實如小荻枝味如龍眼木子
葉亦類閩廣陳剛中詩云龍荻綴如珠

三寸柑

凡柑皆圓獨成都產者形如鴨卵故杜甫詩云

三寸黃柑猶自青三寸言其長也余嘗過臨江
府地產黃柑有長三寸者

嘉慶子

唐韋述兩京記東都嘉慶坊有李樹極美故稱
嘉慶李千百年後稱李乾皆曰嘉慶子他物未
有如此之得名悠久也

丹青樹

西京雜記云終南山有合離樹紅綠相雜班駁
如錦繡長安謂之丹青樹

蚊樹

嶺南異物志曰有樹如冬青實生枝間如枇杷
每熟即圻裂蚊子群毛惟皮殼而已名蚊子樹
今永福山中有之鄉人為余言

鳥獸異魚六則

梟非不祥

梟思多也人聞其鳴輒為不祥昔謝艾梟鳴牙
旗乃北軍勝張率更梟鳴庭樹乃北授官唐章
顓將放榜日梟鳴簷際逐之復還顓曰我失意

無所恨兼恐禍懼災患須更榜出顯登第然則
莫非惡鳥也

念佛鳥

九華山產念佛鳥形大如鳩色黃褐翠碧間而
成文音韻清滑如誦佛色唐韋蟾詩云靜聽林
毛念佛鳥細看壁畫馱經馬

龍九子

於生九子所載不同一曰蒲牢好鳴鐘鈕之獸
囚牛好音樂器之獸蚩珠好吞殿脊之獸嘲風

好險殿角之獸睚眦好殺刀頭之獸負屨好文牝
碑旁之獸狴犴好訟獄門之獸狻猊好坐佛座
之獸霸下好重碑座之獸又云瓦狃好陰簷前
獸饕餮好水橋下獸螭蚺好慵門前獸憲章好
囚獄門獸蜥蜴好腥刀頭獸蒲牢霸下負屨唯
吻與前同

貓睡

貓之善捕鼠者日常睡終日跳擲者必不捕鼠
見陳止齋集貓不捕鼠者名麒麟貓有味

鮫魚皮

吾閩產銅鑲鑄刀劍甲天下劍鞘以鮫魚皮為之堅硬如石海中有魚名鮫魚或以為鱈魚皮非也李長吉劍子歌云鮫鮐皮老蒺藜刺礪鴉淬花白鷗尾正指此也魚皮隱起細刺如蒺藜故云

蠶車螯蠟

閩中產蠶見韓退之詩車螯見歐陽永叔詩蠟見蘇子瞻詩

夫騷人逸士抱玉含珠於胸中故弗能吃訥簡嘿於章牘也若明之處士徐興公是矣夫興公以名世之才不克擢用於朝廷而退閒以編是書也友人黃公輩曰徐氏筆精蓋為其纂述之心思甚殫精神而其吐藻揮筆之詞句甚精工也且其籍中首之以大易以迄六經又次之以百家諸子而及陰陽醫卜之術無不該載誠閩閩名公

筆也而後坂卜齋公家藏之久矣
余夏朱點之是以夏遵余而書其
後云寬永甲申新正三奠明人
新安振宇汪德夏頓首拜撰

羅山文集卷九卷十九載汪德夏書四篇及筆話
卷九目錄注云大明國運斷厥者也流落來東國謝於脇坂淡路守以字書為業頗知文字

此後謂氏初作也 林春野傳云道隆在萬曆十年十月卒於家後

宋祖筆下幾生花

後學身術願

辭類

此和四年事也早稀田太字因事可斷

[Faint bleed-through text from the reverse side of the page]

